

NAPLAN sa papel – impormasyon para sa mga magulang at tagapag-alaga

Tagalog

NAPLAN
NATIONAL ASSESSMENT PROGRAM
Literacy and Numeracy

2019

Bakit kailangang gawin ng mga estudyante ang NAPLAN?

Tinatasa ng National Assessment Program – Literacy and Numeracy (NAPLAN) ang mga kakayahan sa pagkamarunong bumasa, sumulat at bumilang na mahalaga sa bawat bata upang sumulong sa paaralan at buhay.

Ang mga estudyanteng nasa Year 3, 5, 7 at 9 ay sumasali sa pantaunang mga pagsusulit ng NAPLAN sa pagbasa, pagsulat, mga kalakaran ng wika (pagbaybay, balarila at bantas) at pagbilang.

Ang pagtatasa ay nagbibigay sa mga magulang at paaralan ng kaalaman kung ano ang naging ginampanan ng mga indibidwal na estudyante noong panahon ng mga pagsusulit. Ang NAPLAN ay isa lamang bahagi sa proseso ng pagtatasa at pag-uulat ng paaralan – hindi nito pinapalitan ang patuloy na mga pagtatasa ng mga guro tungkol sa ginagampanan ng estudyante.

Ang NAPLAN ay nagbibigay din sa mga paaralan, mga awtoridad sa edukasyon at mga pamahalaan ng impormasyon tungkol sa kung paano gumagana ang mga programa sa edukasyon at kung natutugunan ba ng mga kabataang Australyano ang mahahalagang resulta sa edukasyon sa pagkamarunong bumasa, sumulat at bumilang.

Ano ang tinatasa?

Tinatasa ng NAPLAN ang mga kakayahan sa pagkamarunong bumasa, sumulat at bumilang na natututunan ng mga estudyante sa kanilang regular na kurikulum sa paaralan. Ang lahat ng mga pampamahalaan at di-pampamahalaang awtoridad sa edukasyon ay nakapagbigay tulong tungo sa pagbubuo ng mga kailangang kagamitan (materials) sa NAPLAN.

Tingnan ang halimbawa ng mga tanong sa NAPLAN sa nap.edu.au

Paano ko matutulungang maghanda ang aking anak?

Tulungan ninyong maghanda ang inyong anak sa pagpapasiguro sa kanila na ang NAPLAN ay isa lamang sa bahagi ng kanilang programa sa paaralan, at sa pagpapaalala sa kanila na gawin ang kanilang pinakamahusay sa araw ng pagsusulit. Titiyakin ng mga guro na ang mga estudyante ay pamilyar sa mga klase ng tanong sa mga pagsusulit at magbibigay ng nararapat na suporta at patnubay.

Hindi inirekomenda ng ACARA ang masyadong labis na paghahanda para sa NAPLAN o ang paggamit ng mga tagapaadulot ng pag-aaralan (coaching provider).

Ang NAPLAN ay tungkol sa pagtatasa ng progreso sa pagkakatuto sa pagbasa at pagsulat at pagbilang.

Ang pagsali sa NAPLAN

Ang lahat ng mga estudyanteng nasa Year 3, 5, 7 at 9 ay inaasahang sasali sa taunang pagtatasa ng NAPLAN.

Ang mga estudyanteng may kapansanan ay maaaring nararapat sa mga pagbabago (adjustments) na maglalarawan ng suportang kalimitang ibinibigay sa mga pagtatasa sa silid-aralan. Dapat ninyo munang pag-usapan ng guro ng inyong anak kung gagamit ng anumang mga adjustment para sa inyong anak.

Ang isang pormal na iksemasyon ay ipinagkakaloob para sa isang estudyanteng may kapansanan na labis na maglilimita sa kanilang mga kasanayan para sumali sa pagtatasa, o para sa estudyanteng bagong dating sa Australya at mula sa di-Ingles ang kinagisnang wika .

Ang inyong principal ng paaralan at lokal na namamahaling awtoridad sa pagsusulit ay makapagbibigay sa inyo ng karagdagang impormasyon tungkol sa mga natatanging pagkakaloob o ang prosesong kinakailangan upang makamit ang pormal na iksemasyon.

Magsusulit ba sa NAPLAN ng sulat sa papel o online ang aking anak?

Itong 2019, magsusulit ng sulat sa papel sa NAPLAN ang inyong anak.

Subalit, ang mga bata sa ilang ibang mga paaralan sa kabuuang Australya ay magsusulit sa NAPLAN nang online nitong taong ito. Nagkasundo ang mga ministro sa edukasyon ng pederal, estado at teritoryo na ang lahat ng mga paaralan ay magiging nasa online pagsapit ng 2020. Ang mga awtoridad sa edukasyon ng estado at teritoryo ay magtataya ng petsa kung kailan magiging online ang kanilang mga paaralan.

Dahil sa ang mga estudyante ay tatasahin sa kaparehong pagbasa, pagsulat at pagbilang na nilalaman ng kurikulum, maging nagsulit man sa online o sulat sa papel, ang mga resulta sa parehong mga pormat ay mai-uulat sa kaparehong iskala ng pagtatasa sa NAPLAN. Upang malaman ang karagdagan tungkol sa NAPLAN Online, bumisita sa nap.edu.au

Anong mangyayari kung lumiban sa paaralan ang aking anak sa mga araw ng pagtatasa ?

Hangga't maaari, magsasa-ayos ang paaralan para sa indibidwal na mga estudyanteng lumiban sa oras ng pagsusulat na kumpletohin ang hindi nagawang mga pagsusulat sa kaibang oras habang nasa linggo ng pagsusulat. Ang indibidwal na mga estudyante ay hindi papayagang kumuha ng mga pagsusulat makalipas ang Biyernes, ika-17 ng Mayo 2019.

Ang talaorasan ng NAPLAN 2019

	Martes Ika-14 ng Mayo	Miyerkules Ika-15 ng Mayo	Huwebes Ika-16 ng Mayo
Year 3	mga kalakaran ng wika 45 minuto pagsulat 40 minuto	pagbasa 45 minuto	pagbilang 45 minuto
Year 5	mga kalakaran ng wika 45 minuto pagsulat 40 minuto	pagbasa 50 minuto	pagbilang 50 minuto
Year 7	mga kalakaran ng wika 45 minuto pagsulat 40 minuto	pagbasa 65 minuto	pagbilang 65 minuto
Year 9	mga kalakaran ng wika 45 minuto pagsulat 40 minuto	pagbasa 65 minuto	pagbilang 65 minuto

Paano susukatin ang ginampanan (performance) ng aking anak?

Ang indibidwal na pagganap ng estudyante ay ilalarawan sa isang pambansang iskala ng nakamtan (achievement) para sa bawat pagsusulat. Ang pagkakaroon ng resulta sa pambansang minimum na pamantayan ay nagpapakitang ang estudyante ay nagpamalas ng mahalagang mga kasanayan sa pagkamarunong bumasa at sumulat at bumilang na kinakailangan upang lubos na makasali sa year level na iyan.

Ang isang ulat ng NAPLAN tungkol sa indibidwal na estudyante ay ipalalabas ng paaralan ng inyong anak sa pagtatapos ng taon. Kung hindi kayo nakatanggap ng ulat, dapat ninyong tawagan ang paaralan ng inyong anak.

Paano ginagamit ang mga resulta ng NAPLAN?

- Maaaring gamitin ng mga estudyante at mga magulang ang indibidwal na mga resulta upang matalakay sa mga guro ang progreso.
- Ginagamit ng mga guro ang mga resulta upang mas mahusay na matukoy kung sino sa mga estudyante ang makikinabang sa malaking mga paghamon o dagdag na mga tulong.
- Ginagamit ng mga paaralan ang mga resulta para matukoy kung saang lugar ang malakas at mga lugar na dapat paghusayin ang mga programa sa pagtuturo at upang maitatag ang mga layunin sa pagkamarunong bumasa, sumulat at bumilang.
- Ginagamit ng mga sistema sa paaralan upang marepaso ang mga programa at suportang ibinibigay sa mga paaralan.
- Matutunghayan ng komunidad ang pangkaraniwang mga resulta sa NAPLAN ng paaralan sa myschool.edu.au

Saan ako makakakuha ng karagdagang impormasyon?

Para sa karagdagang impormasyon tungkol sa NAPLAN:

- tawagan ang paaralan ng inyong anak
- tawagan ang inyong lokal na namamahalang awtoridad sa pagsusulat sa nap.edu.au/TAA
- bisitahin ang nap.edu.au

Para sa impormasyon kung paano pinanghahawakan ng ACARA ang personal na impormasyon sa NAPLAN, manyaring bisitahin ang nap.edu.au/naplanprivacy